



Inatsisartunut ilaasortaq
Jens Napaattoq
Naleraq

Sulinermit atatillugu annaasat pillugit § 37 naapertorlugu apeqquteqaammut nr. 189-imut akissuteqaat

Inatsisartut suleriaasianni § 37-mi, imm. 1 naapertorlugu tullinnguuttuni allassimasunik Naalakkersuisunut apeqquteqarputit. Apeqqutigisatit uannit akisassanngortinneqar-simapput, imatullu akissuteqassaanga.

Apeqqutit

1. Kommunalbestyrelseni sulinermit atatillugu nalinnaasumik ulluinnarni suliffimmiik annaasat taarsiiffigineqartarput aamma tamanna ajunngilaq, kisianni ilumut kommunalbestyrelsemi ilaasortap ajunngittorsiassaminnguusa nalingi ilaatigut tamakkerlugit tamakkingajallugilluunniit ilanngaassisarneq pissusissamisoortut Naalakkersuisut isigaat?.

Akissut.

Kommunalbestyrelsimi ilaasortat suliffimminniit qanoq annertutigisumik ilangaanneqartarnerinut apeqqut sulisitsisup kommunalbestyrelsimilu ilaasortap sulinermit inuussutissarsiteqartuusup akunnerani isumagineqartarpoq. Taamaattumik akissarsiatigut ilanngaanneqarpallaarsimagaanni apeqqut tamanna kattuffigisaq aqqtigalugu qaqilerneqarpat pissusissamisoormerussaaq.

Kommunalbestyrelse aalajangiisassaaq qaqugu sumilu ileqquusumik ataatsimiinnerit ingerlanneqartassanersut. Borgmesterip aalajangertassavaa immikkut ittumik ataatsimiinnissat qaqugu sumilu pissanersut. Ilaasortat sulereernermit kingorna peqataasinnaangorlugit ataatsimiinnissat inissinneqartarpata pissusissamisuussaaq.

Kommunit aqunnerat pillugu inatsisartut inatsisaani § 56, imm. 6 naapertorlugu ulluinnarni suliffimmiit annaasat taarsiiffigineqartarnissaat pillugit Naalakkersuisut akinik aalajangersaasinnaapput kiisalu taarsiissutigineqartussat akilerneqartarnissaat missingersuusiortarnerlu pillugit erseqqinnerusumik maleruagassaliorsinnaallutik.

Sulinermit akissarsianik annaasaqarnernut taarsiissutissat pillugit maleruagassat erseqqarinnerusut borgmesterinik borgmesterillu tulliinik kiisalu kommunalbestyrelsinut nunaqarfinnilu aqutsisunut ilaasortanik aamma najukkani ataatsimiititaliat ilaasortaannut il.il. akissarsiaqartitsineq pillugu Namminersortutik Oqartussat nalunaarutaanni nr. 25, 30. december 2013-imeersumi § 9-imi allassimapput.

Nalunaarummi § 9, imm. 1 naapertorlugu kommunalbestyrelsip aalajangersinnaavaa ataatsimiinnernut il.il. ilaasunut ullunut angalaffiusunut atatillugu sulinermit aningaasarsiaasaraluanik annaasanut taartisiaqartitsiumanerluni. Tassa imaappoq

06-01-2021
Suliaq nr. 2020-8162
All. nr. 18806204

Postboks 970
3900 Nuuk
Oqarasuaat (+299) 34 50 00
Fax (+299) 34 63 64
E-mail: ISN@nanoq.gl
www.naalakkersuisut.gl

sulinermit aningaasarsiaraluannik annaasanut kommunalbestyrelsit taartisiaqartitsisinnaareerput.

§ 9, imm. 2-mi aningaasat annertussusissaat eqqarsaatigalugit ima allassimasoqarpoq:

Sulinermit aningaasarsiaraluannik annaasat matussuserneqartarnissaat pillugu kommunalbestyrelsip aalajangiiffigisaanut amerlanerpaamik ilaasinnaapput:

1) Sulinermit inuussutissarsiuteqartut sulillutik akissarsiaraluaminnik annaasaat uppersarsarneqartut imaluunniit

2) Ullormut akissarsiat akissarsiat § 2, imm. 1-imi taaneqartut 730-inngorlugit aggornerannut ataatsimut naapertuuttut inunnut, ataatsimiinnerup nalaani annermik namminersorluni inuussutissarsiuteqarnermit aningaasarsiorfeqartunut, soorlu piniartunut, aalisartunut, savaatilinnut il.il.

Nalunaarut massakut atuuttoq Naalackersuisunit kommuninut tusarniutigineqaqqammerpoq. Kommunit kissaataat naapertorlugu siunnersuut suliarineqaqqittariaqarpoq. Suliaq tamanna ukiup aallartittup ingerlanerani nanginneqassaaq.

Apeqqutit.

2. Naalackersuisut apeqquut 1-imut atatillugu qanoq iliuuseqarsinnaappat?

Akissut.

Apeqqummut 1-imut akissutigat innersuussutigissavara.

Apeqqutit.

3. Kommunalbestyrelsemi ilaasortat ataatsimiinnernut atatillugu angalanermi suliffimmiik annaasaqartarneri pillugit naatsorsueriaatsip sukumiisumik assersuusiornikkut nassuiaasoqarnissaa Naalackersuisut takussutissiorsinnaavaat? (tassani aalisartut, sulisartut, atorfillit, kommunimi atorfillit il.il.)

Akissut.

Apeqqummut 1-imut akissutigat innersuussutigissavara.

Med venlig hilsen

Inussiarnersumik inuulluaqqusillunga



Mimi Karlsen